

DURANGO

Udala • Ayuntamiento

Idazkaritza
Secretaría

DURANGOKO UDALAREN ARAUGINTZA-PLANA 2018

39/2015 Legeak, Administrazio Publikoen Administrazio Prozedura Erkidearena, bere 132. artikuluan, urtez urteko araugintza-plana aurreikusten du. Bertan, hauxe ebazten da:

"1. Urtez urte, administrazio publikoek argitara emango dute araugintza-plan bat, eta hartan jasoko dira hurrengo urtean onesteko igorriko diren lege- edo erregelamendu-ekimenak.

2. Onetsitakoan, Urteko Araugintza Plana argitaratu egingo da, dagokion administrazio publikoaren gardentasun-atarian."

Udaleko gobernu batzak onarturiko planak udal gobernuak idatzi eta dagozkion eskudun organoei helaraziko dizkien araugintza-ekimenak jasotzen ditu, ordenantzak, araudiak eta hirigintza planeamenduak barne.

Araugintza-plangintza berri honekin, gorago aipatutako Legearekin bat etorritik, honako helburu hauek lortu nahi dira:

1. Segurtasun juridikoa indartzea eta herri mailako ordenamendu juridikoa aurrez ikustea.
2. Udal araudia balioztatzea arauak ekoizteko teknika hobetuz. Horrela, ekimen-egitaraua zehaztuko da epe motzean eta luzean, eta araudi ezberdinak garatzeko helburuak eta metodologia ere bai.

Plangintzaren helburu zehatz hauez gain, udal taldeak udaleko araudiak ezagutarazi nahi ditu eta, aldi berean, herritarren parte-hartzea ahalbidetzeko esparru berri bat irekiko du plangintzan jasotako ebazpenen inguruan herritarrek egin ditzaketen proposamen edo iradokizunak jasotzeko.


UDAL ARAUDI BERRIAREN AURREIKUSPENAK

1. Durangoko udaltzaingoaren araudia
Euskal Herriko 4/1992 Polizia legearen errebisiotik eratorria
2. Osoko bilkuraren araudi organikoa
3. Gazteen lokalen ordenantza arautzailea
4. Durangoko udalaren jokabide-kodea
5. Udal wifia erabiltzeko araua

INDARREAN DAGOEN UDAL ARAUDIA ALDATZEKO AURREIKUSPENAK

1. Udal hilerriaren araudia

Antolakuntza, planifikazio eta kudeaketa arloko udal eskuduntza kontuan izanda eta, halaber, LILE-k ezarritako hilerrien eta hileta zerbitzuen osasun-



DURANGO

Udala • Ayuntamiento

Idazkaritza
Secretaría

kontrola aintzat hartuta, eta ikusirik hilerria ezinbesteko gutxieneko zerbitzua dela eta halaxe jasota dagoela, apirilaren 2ko, toki araubidea arautzen duten oinarrien 7/1985 legean (aurrerantzean TAOL), udal hilerria erregulatuko duen araudia egitea eta onartzea aurreikusten da, jabari publikoa delako, eta bertan emango den zerbitzua bat etorriko da hileta-zerbitzuaren esparruan indarrean dagoen araudiarekin.

2. Astarloa Kulturgintza erakunde autonomoaren estatutuak

Planeamenduaren errebisioa tramitatzea aurreikusten da (HAPO)

3. Diru-laguntzen oinarri espezifikoak

Udaleko sail ezberdinek, udaleko ordenantza orokorra abiapuntutzat harturik, diru-laguntza deialdien oinarriak onartzen dituzte urtero, eta 2018. urtean ere halaxe izatea espero da.

4. Ordenantza fiskalak

Urtero errebisatuko dira dagokion aurrekontu-esparruarekin bat etorriz.

5. Beste ordenantza eta udal araudi batzuk

Udalez gaindiko araudi berriaren ondorioz, hau da, administrazio publikoen administrazio prozedura erkidearen, urriaren 1eko, 3)/2015 legea; sektore publikoaren erregimen juridikoaren, urriaren 1eko, 40/2015 legea, Euskadiko toki erakundearen, apirilaren 7ko, 2/2016 legea eta gardentasun eta informazio publikoaren, abenduaren 9ko, 19/2013 legea, eta udal araudiaren ostean indarrean sartu diren bestelako araudiek ezartzen dutena aintzat hartuta, beharrezkoa da udal ordenantzen eta udal araudien aldizkako errebisioa egitea dagozkion egokitzapenak egiteko eta erregulazio zuzenaren printzipioak betetzeko.